



Kalaallit Nunaanni Peqqinnissaqarfik
Det Grønlandske Sundhedsvæsen

Kalaallisut nutsigaq: Peqqissutsimut Naalakkersuisoqarfik

Direktionssekretariatet
Jens Kreutzmannip aqq. 11,
quleriinni siulleg.
3900 Nuuk

Tusarniaanermi akissuteqaatit

Uunga: PN

Uannga: Kalaallit Nunaanni Peqqinnissaqarfik (KNP)

Ulloq: 23-01-2024

Pineqartoq: **Ukiuni arlalinni ilisimatuussutsikkut paasisat tunngavigalugit imigassaq aalakoornartortalik pillugu politikkimut innersuussutit pillugit tusarniaasoqarneranut akissuteqaat**

Tusarniaanermut Kalaallit Nunaanni Peqqinnissaqarfimmiit akissuteqarnissamut periarfissaqaratta qujavugut, inassutigineqartunullu tamanut tapersersuinerput oqaatigerusupparput. Takorluukkat uku isumaqatigaagut: "Kikkulluunniit imigassamit aalakoornartortalimmit siunissami ajoquserneqassanngillat". Inuiaqatigiinni imigassap aalakoornartortalip malitsigisaanik inuiaqatigiit peqqissusaat eqqarsaatigalugu ajoquserartullu ikilinissaat eqqarsaatigalugu suliniutigineqartussat pisariaqarluinnartutut isigaagut.

Inuiaqatigiit peqqissusaannut pitsaaqutissat

Inassuteqaatit ukuninnga iluaqutaanissaat Kalaallit Nunaanni Peqqinnissaqarfimmiit naatsorsuutigaarput:

- Imigassamik atuinikinnerulertoqassaaq, ingammik ernguttarneq eqqarsaatigalugu.
- Angerlarsimaffinni nakuusertarneq meeqqanillu sumiginnaasarneq annikillissaaq.
- Pinerluuteqarnerit, angerlarsimaffiup avataanut meeqqanik inissiisarnerit, imminut toquttarnerit atornerluinerillu eqqarsaatigalugit ikilissapput.
- Aalakoornartortalimmik imigassartortoqarsimatillugu nappaatinut, ilaatigut nappaatit taaneqarsinnaasut 200-t, aalakoornartortalimmik imigassartorsimatilluni nappaatigilerneqartut, ilaatigut atoqatigiinnermi nappaatit taamatullu piumanngisamik naartulertarnerit.



Kalaallit Nunaanni Peqqinnissaqarfik
Det Grønlandske Sundhedsvæsen

Innuttaasut peqqissusaanut inuunerisalu sivilissusaanut, agguaqatigiissillugu nunat avannarlernut sanilliunneqassappat ukiunik qulinik sivilissuseqartumut, tamakkiisumik tamanna iluaqutaassangatinneqarpoq.

Kalaallit Nunaanni Peqqinnissaqarfianut sunniutigisassat

Aalakoornartortalimmik imigassartornikinnerulerneq peqqinnissaqarfimmut ukuninnga iluaqutaassangatinneqarpoq:

- Peqqinnissaqarfimmut persuttaanermut ajoqusernermullu tunngassuteqartunik saaffiginnissutit appassapput.
- Peqqinnissaqarfimmi sulisunut oqilisaasoqassaaq, aalakoornartortalimmik imigassartortoqarsimatillugu inunnik isumaginninnissamut peqqinnissamullu tunngatillugu ulluinnarni isumaginnittuusariaqartarnerat eqqarsaatigalugu.
- Nappaatinut passunneqapallattariaqartunut aaqqinneqarsinnaanngitsunullu katsorsaasoqarnissaanut inissatigut, aningaasaqarnikkut katsorsaannissamullu periarfissiisoqarnerussaaq.
- Ilaqutariinni imigassamik aalakoornartortalimmik ajornartorsiutilinni, eqqarsartaatikku timikkullu peqqissutsikkut ajornartorsiuteqalersinnaaffiusuni, meeqqat inuusuttullu peroriartortut naqisimaneqannginnerulernerisa ilutigisaanik, kinguaariinni kingornuttakkanik qaangiiniarnissamut iluaqutaassaaq,

Meeqqat pinaveersaartitsinerlu immikkut ittumik aallaavigalugit

Inassuteqaatini meeqqat taakkulu pisinnaatitaaffisa immikkut pineqarmata nuannaarutigapput, ilaatigut ilaqutariit meeqqap ullui siulliit 1000-t eqqarsaatigalugit ikorfartorteqarnissaanik siunnersuut eqqarsaatigalugu. Suliniuteqarfimmi uani peqqissaasut ernisussiortullu pingaarutilimmik inissisimapput, taamaattorli ataqatigiissaarnerusumik tamakkiisumillu isiginnittumik periuseqartoqassatillugu, kommunini oqartussat akimorlugit suleqateqarnermi isumalluutinik amerlanerusunik pisariaqartitsisoqassammat oqaatigisariaqarparput.

Naliliineq

Imigassaq aalakoornartortallip inunni isumaginnittoqarfimmut peqqinnissaqarfimmullu kingunerisinnaasaat annertuut eqqarsaatigalugit taakkununga imigassamut aalakoornartortalimmut politikissamut inassuteqaatit saqqummiunneqartut appartinneqarnissaanut tunngaviulluuartuusut Peqqinnissaqarfimmiit isumaqarpugut. Suliassaqartut naleqquttut peqatigalugit inassuteqaatit atuutilersinneqarnissaanut qanimut suleqataanissatsinnut qilanaarpugut, kinguaariit tulliuttunut peqqinnerusumik toqqissisimanarnerusumillu pilersitsisinnaaqqulluta.